



陳栢仕在嘉隆間其詩文因訛言遠事皆別有臣
指似無書也得

此房應抽出錯毀

纂修梁二國

詩書
貳
本

蘓山選集壹部

乾隆二十六年十一月浙江
撫王公孫何曾家藏



蘇山選集序

馮陽陳玉叔公梓



尊公蘇山先生全集成走吏寓書示予小子謙曰自昔收遺文而定之者必屬于相知幸公母愛一言始嘉靖庚戌歲予小子從先生服政于水部傾蓋即投驩既晨夕同舍相錯綜稅林更及時務得失邊陲方略亶亶論難夜分不休秋遼陽虜塵起被

及京邑七陵震疊先生志憤私語小子曰
使我典兵機當不爾爾虜退主爵部署六
曹子大夫于中外予拜宣城先生以將母
歸竟陵既三年予給事禁垣先生守司馬
郎後予罪廢而先生且晉職方升沉榮瘁
轉睫不齊先生在職方值邊事孔棘將相
失調又權相父子日以文字罪人先生履
艱險調劑有方諸所奏記題覆動中機宜

至受策告成則若響應是時輦下人咸稱
名職方顧裘帶之暇鉛槧不廢即有腹誹
厲禁弗恤也未幾大司馬以先生知兵薦
令建節井陘寔出之也先生早知機遂拂
衣歸築室漢陰不復談時事日益肆力墳
典興到即引觴操染以寄情今集中所載
蓋謝事後十居六七嗟乎虞卿窮愁以著
書韓非孤憤而立論自古英哲之士得時

則駕不得時含英匿采退于名山此其素也何獨先生哉先生功固背時言足垂範更有玉叔揚其波挹其芳潤於先生乎何病集凡二十卷諸所題評標致寔出鴻碩之手小子賤且謏烏敢續貂而玉叔公強委之且命精選作二帙以便藏之奚囊嗟乎維摩丈室設置諸天寶座丈室不增諸天不減而九州之外更有大瀛海之九州

亦存之矣至日用飲食則維神州赤縣之內玉叔心悟禪理智信談天於尊公全集必約而擇之者意在茲乎予又記庚戌秋從先生並馬長楸先生字呼予曰亭夫青女至矣夜來砧聲四起若有意乎因自誦聞砧詩至淒涼隨鴈度斷續雜蛩吟予低首降伏先生亦沾沾自喜夫十字柔嘉半生膾炙詩與文其示人誠不在多也含毫

蘇山選集 序 三
之下忽憶疇曩因并及之以紀山河邈若之感

萬曆丙戌仲夏之吉

賜進士第前刑科右給事中友弟莆中黃謙頓首撰于萬玉山房



蘇山選集目錄

第一卷

古詩

白雲謠

南山歌

平城歌

垓下歌

采葛婦歌

易水歌

送謝山人榛還鄴下

東疇觀穫效陶體

七子詩

陳宮贊仁甫

李侍講元甫

李環衛惟寅

李修撰本寧

康山人裕卿

管山人建初

梁中翰思伯

南園觀穫效陶體懷傅五表弟時

為南司徒

凌使君雪中餽酒口占六絕

秋日園中有懷余德甫朱子深用

晦貞吉四君

鏡光篇

秋雨篇留別傅五表弟

送謝符德大行使趙國

贈宋崇樂督學西蜀

送趙生仲和還沔

賦得合浦珠贈郭廉州

浮圖峪道中聞鴈有感

無卧閣寄示燭兒

管建初山人繪圖見壽賦得泰山
高

黃生寫陶靖節遺蹟圖短歌贈之
賦得五嶽圖送燭兒之淮安

寄題草玄亭

寄題杜拾遺草堂

寄題峨眉山

焦山吟寄畚郭山人次甫

寄題陳拾遺讀書臺

五嶽圖歌

第二卷

五言律

莊上茅齋初成 望宋玉墓

峴山

秋砧

發京別傅五表弟二首

襄陽卽事

三月晦日應山道中別張叔與

東吳明卿舍人五日生子

徐子與席上留別吳山人子充得

春字

安陽寄謝山人茂秦

剡河道中

送吳明卿給事左遷二首

秋夜直宿東張子任

送馬健之令郟縣

同教純之學士何汝玉大行登毘

盧閣

南園卽事

泗東莊

對菊有所思

憶樞弟二首

寄正卿弟

蕭凌喬歸自晉陽訪吳仲立僉憲

康山人裕卿作夏汭草堂詩見贈

用韻却寄二首

暮春

隱林莊同李生用康山人韻二首

懷王元美觀察用原韻

夜行

七夕別燭兒之蜀

過別業

與燭兒載酒南園

任山父別駕枉吊燮兒

懷歐惟承給事

送任山父別駕之滇南

第三卷

七言律

呈李川甫先生用原韻

壬辰下第

樊城早發東劉德輝時母舅在樊

香山道中感懷

送李隆仲同年令丹徒

送王使君之沔

奉使至故園

送同年張子畏僉憲四川

九日登麾虜臺 立秋

夏汭草堂成

冬夜與李少白聞笛

李君寵秋夜見懷却寄

送成子仁卿兼懷同年尚德夫

人日

秋日得吳明卿書

九月八日同蕭凌漢凌達李少白

諸子登報恩寺閣

送別陳山人紀兼呈子深王孫

人日懷燭兒

用韻別李君寵

用韻別陳山人兼呈子深王孫余

德甫憲副

秋日同傅司徒童士禎丘子冲諸

君登寺閣

隱林莊有懷

遣使訊徐子與

讀方君敬樵陽集用懷子與韻懷

之

寄黃希尹太守格弟時爲幕僚

用韻畲徐叔明憲副兼訂遊山之

約

聞黃鶴樓重建因寄徐子與憲使

春日趙惟石僉憲招登仁風樓

得徐子與憲使書却寄

黃亨夫給諫繆擬余詩似高適因

戲寄之

早春漫興

酬徐叔明憲副襄陽見懷之作

病後卽事

湖上雨望

寄黃亨夫給諫

寄題朱子深來爽臺

秋日有懷燭兒

秋日懷徐子與吳明卿

雨後有懷

隱林莊

秋日余憲使招登湛虛亭

畚李元甫太史見訊之作

次李惟寅通候見寄

冬日獨往

夜雪禁體

人日漫興

李生移居

立秋日有懷燭兒

題余德甫江上草堂兼柬用晦

畚康山人裕卿兼寄梁思伯王敬

美

得劉學孔光祿書却寄因示燭兒

初雪懷傅司徒

送蔡子明司訓成都

除夕前一日與燭兒夜坐因懷燭

見 人日有懷燭兒

送燭兒之川中督學

九日同諸君登聚星樓因贈程孟

孺

送程孟孺遊太岳兼謁王元美中

丞

送歐惟承少參入 賀

畬吳明卿學憲

畬王敬美符卿

送陳別駕入瀘因寄燭兒

題灤西草堂用燭兒韻

除夕有懷 莊上偶述

巳卯三日喜晴

第四卷

絕句

途次東邵才仲

楊懋功祠部寄園中雜詠用韻和
之更補借山亭凡七首

河干別燭兒口占四首

平政橋別燭兒之蜀四首

榮澤東臨湘沈子建

兩亭初成漫賦

別燭兒之官淮安二首

寄題漂母祠三首 西望

寄趙孟靜閣老 得燭兒書

示堪孫遊太岳

病中憶南園效唐人二首

第五卷

序

張文毅公集序 折獄龜鑑序

浮淮三絕序

童內方先生集序

送蔡先生之宣城序

送王大夫序

送沈別駕之東昌序

送宋武庫守河間序

送汪憲使之閩中序

贈唐生序

賀張金吾序

壽李先生序

第六卷

記

蘇山記

時雨軒記

碑

忠節廟碑

報恩寺碑

高渚李先生墓碑

墓表

明高士時菴任先生墓表

第七卷

祭文

祭馬少伏文

祭張文隱公文

雜著

告風伯文

原水書劉氏譜

書兒燭扇

蘭亭卷跋

蘇山選集目錄終

蘇山選集卷之一

沔陽 陳栢撰

古詩

白雲謠

白雲在西東望瀾瀾山川萬里何能間之
終與子為期

南山歌

白石齒齒南山隈牛角扣之鳴且哀我生

魚山選集 卷之一
不辰已焉哉唐虞世遠不復回短衣何用
更自裁放歌聊以相裴徊

平城歌

白登之見羈岌岌乎亦已危非闕氏之妬
且疑從竒計兮焉施

垓下歌

萬人敵兮所至靡天欲亡兮騅且死美人
帳前獨放歌烏江渡兮將柰何

采葛婦歌

卧下之薪坦如席今我采葛以為綌

易水歌

朔風號兮易水寒怒髮指兮上衝冠腰間
七首君請看

送謝山人榛還鄴下

有客遠行役秣彼雙白駒繫之不可得搔
首空踟躕送子都門外願言停須臾朔風

號中野子行將安趨漳河水雖濁曩亦稱
魏都當時應與劉風騷振雄圖寥寥千載
後疇能與之驅末路見爾調清雄傾吳歛
憂時思獨苦賦景情與俱酒後兩耳熱仰
天長嗚嗚以彼跌宕性安能事牽拘胡爲
滯京國日逐紅塵污去矣白石爛邈焉非
黃虞王門儻可適終老以自娛

東疇觀穫效陶體

家世本爲農弱齡學干祿一出三十年始
獲返初服結廬城南門繞屋植修竹鄰翁
時相過班坐叙寒燠薄田僅一區收稻不
滿斛拓地向東偏開荒灌且築俛焉事春
耕倏爾及秋熟卽未克廩庾已足給饘粥
寧辭胼足勞幸免折腰鞠寄謝當塗人胡
爲久碌碌帝力何有哉狂歌鼓吾腹

七子詩

往仲子官大理與七子爲白社交甚
驩也今伯子游燕乃七子又相與如
昔作七子詩寄之

陳宮贊仁甫

吾宗出重華賢豪代相屬德星照潁川千
載仰芳躅之子奮武陵飄飄類黃鵠乘風
振長翰浮世何局促麗藻驅孔璋清詞凌
伯玉石室勝編摩明廷多啓沃跌宕郢中
兒兩竊登賢錄一爲青雲交共操白雪曲
浮世寧用誇古誼更相勗言念同胞情二
方應可續

李侍講元甫

君家起蜀中系出吾楚後濬發玉壘竒早
縮金閨綬學擅子雲前賦出相如右清朝
盛文儒君才已十九黃鍾一以宣居然失
瓦缶名且重南金望應歸北斗伊昔曲江

盟今抱山陽苦世誼誰能敦知君用情厚
骯髒太學生踈狂淮陽守末路藉箴規同
聲期不朽

李環衛惟寅

大雅日以衰浮詞漸靡靡試從迦黃初疇
能訂其是公子何雄哉翩然思奮臂素心
耽典墳高懷薄統綺兼收武庫才獨擅詞
壇美白社賸飛揚青山任品第執戟非所
其操觚自能事近體擬岑參古風慕曹植
雅誼尚可師榮名若或棄遙憐懷人篇曾
逐飛鴻寄至今草堂中夜夜浮光瑞

李修撰本寧

我昔識英標知君已早慧黃童本無雙楚
國誇絕藝天馬自行空威鳳當鳴世揭來
上石渠擲管多新製豈徒工文詞直欲窮
典制熙皞時更逢經綸心獨銳長沙遠足

懷荊州近應繼陳雷自夙交孔李况世契
曾思東海夫留滯三經歲平生金石交願
言相砥礪

康山人裕卿

往識謝茂秦並歌長安市雅調今已希爾
復翩翩起清詞振天球一一中流徵高誼
况儵然足敦世俗鄙開懷北海尊落魄東
郭履雲集諸豪卿風被兩愚子曾持白雪
篇遙寄滄浪淚客愁生擣衣悽悽懷故里
浮湘儻有期爲君應倒屣

管山人建初

吳中有高士郁郁如幽蘭浪跡比禽慶清
操追幼安雅志肯自畫誓欲登騷壇探竒
春欲暮得句夜未闌著作雖不富枝枝青
琅玕同聲有贈述雜佩何紛繁曾作太山
繪寄我漢江千空堂一披拂六月生微寒

魚山選集 卷之一 六
伊人不可屈素性如龍蟠何當遡雲夢握手共清湍

梁中翰思伯

中翰奮南海自負何其豪相國有遺烈英
英真鳳毛志豈在簪紱誓欲紹風騷閉閣
頻視草逢人卽抽毫緬懷蘇頌輩尚友乃
其曹興餘更揮灑落紙生烟濤憐余今老
矣交誼媿曾叨何時將白雪共君還一操

南園觀穫效陶體懷傅五表弟時爲南司徒

城南有畬田局促莖數畝雖非二頃饒負
郭近且厚初擬學灌園况得頻開牖庭前
蒔雜花溪上布垂柳谷鳥鳴嚶嚶池魚躍
瀏瀏和風吹且研好雨忽如溜乘興酒數
盃得意詩幾首俛馬東作前倏爾西成後
探節秋已三數時月維九奚奴忙腰鑱老

婦仍持帚授衣思欲裁納稼積如阜滌場
已屆期携酒還盈甌醉來兩耳熱嗚嗚聊
擊缶芙蓉錦若鋪橘柚黃如杻因憶西鄰
翁十年曾共手一逐三命榮遂爲兩都走
誰憐皓首兄獨少素心友豪來望金陵此
意君知否

凌使君雪中餽酒口占六絕

郡閣傳新釀山齋對故人虛慚剡水興浪

竊廣陵春

昨夜清署中雪花大如掌使君興自豪與
誰共幽賞

何人能載酒過我草玄亭寂寞江天裏猶
看處士星

郢人竊虛名徒自稱寡和試誦使君詞誰
能不驚座

芳梅爛若茲初雪詎如許肯過借山亭同

作驚人語

賸有他時會何如此席中無將夏汭興還
與剡溪同

秋日園中有懷余德甫朱子深用晦
貞吉四君

歸來無俗鞅灌園以自全結廬幸負郭中
有數畝田荷杖時復往倦卽拋書眠野老
不識面相見何依然試與班荆坐長話義

皇年落日漸杳杳停雲猶翩翩迢遙望南
浦秋水連長天伊人在其下方與相盤旋
携榼互斟酌高詠芙蓉篇孤標不可卽寸
心知各縣道遠莫能致含情且獨還

鏡光篇

嘉靖辛丑卧病慈恩寺中每與其僧古
淵登鏡光閣爲余道昔者之事乃賦鏡
光篇

君不見鏡光高閣天中起雄視皇州十二
里王氣遙連陽翠山晴暉半落金鑿水碧
房紆殿紛玲瓏丹梯紫閣何龍從翩翩斜
映茂陵樹飄飄俯瞰甘泉宮踈鐘忽報千
門曙高閣遙瞻六龍處風柝疑聞玉輦來
霜鈴似憶鸞輿去

武皇昔日盛遨遊從官此地曾淹留親將
萬乘稱佛子盡許諸僧爲比丘烏蹄譯字

裝金軸鵠眼胡兒賜緋服傳道西方有至
人更遣中官到窮谷一朝龍馭忽上賓萬
事瓦裂如飛塵誇恩徒數正德日問名半
是臨洮人可憐緇服今遼絕別有黃冠售
竒訣貝葉愁從月下翻衲衣老向簷前綴
由來光寵不足誇由來窮困無庸嗟不見
閣前秋雨葉盡是闌中春日花

秋雨篇留別傅五表弟

長安旅夜聞秋雨瀟湘歸客懷秋浦鄉心
忽逐雨聲生雨聲偏遣鄉心苦憶昨獻賦
遊京華飄飄仗劍遙辭家寧期失意向人
後更看作客棲天涯天涯作客情應惡賴
爾相看差可樂意氣同袍自是真心期相
許知非薄共言此際開心期况從蚤歲成
相知我年一日媿爾長君才十倍稱吾師
清宵散步長安郭暇日遙登鏡光閣雄辯

驚傳鐵馬鳴多情坐遣銀河落論心各許
魯仲由談詩每愛岑嘉州自矜春草生客
夢可堪秋雨牽人愁秋雨牽人思如結遙
向黃金臺下別荒臺惟見荒草長壯士翻
驚壯心烈當年與爾馳金鑪臺前同赴黃
金招解知駿骨慚郭隗敢嗟

聖主非燕昭可憐歲月易遲暮可憐人世
多岐路回看此日送行津恍似當年泣別

處雙鴻本是雲中群孤鳴却向雨中分三
秋不共聯翩去千里應同嘹唳聞

送謝符德大行使趙國

君不見謝家昆弟稱多賢聲譽由來天下
傳長公夙望重安石季子英風驅惠連謁
來並上明光殿傾都見者人爭羨家世原
誇寶樹芳宮袍新賜金門宴共言賜宴出
金門蚤見承恩使近藩是時同年三百二

羨君意氣何翩翩只今

天子重親睦恩數聯駢敦九族輝光尚欲
映松楸寶玉頻將分伯叔况逢趙地多豪
英古來重誼寧輕生曾以片言爭擊缶肯
將尺璧易連城展親已識皇心篤更見
君才堪不辱持節朝辭易水湄褰帷暮度
漳河曲漳河北接古叢臺當年歌舞翻成
哀登高已見昔人賦弔古應憐今日才南

去邶鄆何迤邐西望鴈門應尺咫未論皇
華重使臣爭傳畫錦光閭里君家住近三
關營看君疑是棄繻生馬前蚤已橫修槩
袖中定或牽長纓丈夫平生重節義况於
境外專行事請君談笑淨風塵佇聽歸來
奏清議

贈宋崇樂督學西蜀

故人西向三巴道九月澄江平且好芙蓉

花覆錦官城錦帆正落巴江清文翁祠高
益州裏况有草玄亭並起問竒可但如楊
雄定使巴蜀回淳風憶昨同官司馬署吐
膽傾肝誓相處圍碁日坐籌邊堂呼燈夜
草平湖章自言意氣深相結自謂交游長
不絕那知聚散未易期與子今成天一涯
瀟湘水隔瞿塘遠峩嶶山橫劍門偃幾向
鷄鳴嘆索居何由一致雙鯉魚巴中物候

蘇山邊集 卷之一 十一
中原異梅花十月應堪寄倘逢驛使折南
枝莫令西望長相思

送趙生仲和還沔

秋雨瀟瀟急如注流潦須臾沒行路趙生
揖我還江鄉水滿前途不可渡願生且復
停征車呼燈旋寫還家書去年持節過襄
郢盛夏五月方南徂是時泮水正飄泊四
野瀰漫如一壑承

恩得省白頭親其旨雖陳未云樂杪冬凜
凜冰雪生驅車又向薊門行可憐密密手
中線依依歲莫寧爲情共言王事何可久
夙夜皇皇未將母太行只尺不得登南望
湘雲幾回首祗云京邸無所爲公門日與
尚書期聽鷄戴月向雙闕騎馬衝沙臨九
達情知玄髮漸應改多謝青山久相待媚
世何能一語投報主空餘寸心在羨爾烏

紗過里門親交爲問幾人存
茆齋湖上定無恙
多折荷華釀酒尊

賦得合浦珠贈郭廉州

合浦珠光陸離孟嘗已矣
空遺碑千年巨海成汚池
故人今持使者麾南窮炎海南之涯

天子聖德光四夷
焚雉裘碎玉盃爾珠纍纍
安用爲一夫不獲心所悲
使君之清何

可緇壯心久擬酬明時
合浦珠今在茲嗟嗟
孟嘗重見之

浮圖峪道中聞鴈有感

縣厓斷磧蜚狐道
九月初臨已衰草朔風乍襲碧油幢
天外驚傳鴈聲早勁翮遙從碧漢飛
幽期尚與滄江違風烟念爾秣獨
往岐路憐余猶未歸蹉跎剩笑浮生苦
不
及雲間雙短羽策勲直欲勒燕然鏡裏誰

憐髮如縷郢樹迢迢是故鄉高堂老母日
相望長空尺帛無由寄聽爾哀鳴欲斷腸

無卧閣寄示燭兒

無卧閣今日淮陽已非昨轉輸南楚又東
吳舳艫千里常聯絡黃河變幻淤漕渠歲
歲丁夫費䟽鑿往者曾傳海作波兩州九
邑俱成壑壘書使者日經過畫船頻向淮
陰泊候吏侵辰抱印開一呼豈啻千人諾

丈夫學道須愛人眼前况復多民瘼試從
青史數循良肯効膺鸚徒擊搏須知吏治
重巡行千載其棠猶可作矯制那能便發
倉恐被長官仍束縛假令長孺復更生寧
得優游還自若今日淮陽已非昨無卧閣
管建初山人繪圖見壽賦得泰山高
曾傳五嶽之形勝遙從西極來崑崙真宰
鑿削乃有此就中岱宗稱獨尊仰看縹緲

插層漢諸山羅列皆兒孫舜巡禹狩古相
述秦松漢栢今猶存孤縣絕頂不知幾千
百萬丈應有一窟通天門有時觸雲膚寸
合沛然而雨曾不崇朝徧洗六合之炎煩
縱橫萬象眇若失驅馳二曜忙如奔崔嵬
况復有三觀夜深北斗真堪捫可笑僿佗
韓終之仙侶徒效夫露吸而風餐更嗤向
平禽慶之高士猶遲夫女嫁而男婚孰知

至人兮神遊兮栩栩曾如俗子兮目斷兮
昏昏東吳狂客今管寧胸中浩蕩羅山靈
解衣盤礴曾兀坐抽毫一寫宛若開闢之
真形嘘雲噴霧變幻且萬狀隨處點染皆
丹青中有朱顏綠髮之逸叟方瞳炯炯何
俾仃呦呦玄鹿馴且伏遙聞雲中之曲俛
耳而靜聽託彼青鳥之雙翼寄我赤壁之
孤亭是時壽筵開廣廈閣風遙下何泠泠

老夫獨酌蟠桃宴雙童朗誦黃庭經
廷前斜倚九節杖簷下遙送三花馨
管生管生待爾五岳之山訪且徧
笑騎黃鶴還來候我於漢上之芳汀
試取圖中滾滾之瀑布玉盃盛之爲
醪醑與爾傾倒無少停醉來渴吻倘
不足更吸萬傾之滄溟乾時可作
畊桑地笑覩人間南極星

黃生寫陶靖節遺蹟圖短歌贈之

君且爲我畫我更爲君題一圖
生色相千載見襟期老懷自慕陶
元亮故人况得龐通之挂冠幸免
奔走累還鄉擬賦歸來辭宋家王
孫松雪老風流更復多文藻抽毫
曾寫淵明圖運意模形若天造據
案橫琴弦不張披巾漉酒瓶嘗倒
五斗寧能更折腰一尊且復聊開
抱曾聞刺史邀匡廬微茫遙隔柴
桑墟興來力疾且欲徃門生兒

子扛藍輿義皇相去雖已久壯懷欲挽回
其初笑看歲月倏如駛醉疑天地皆成虛
我觀此老溫且厲奴視江州檀道濟曾遺
梁肉卽麾之眼中那復知權勢履敝曾伸
隻脚量盃空但仰雙眸睇亂離祇作君臣
憂溫飽寧爲妻子計只今幸遇太平時甲
子知非晉義熙籬邊黃菊正堪把尊前白
酒仍堪携何如置我圖畫裏更與此老相

追隨請君且爲寫意態勿但搥筆描鬚眉
賦得五嶽圖送燭兒之淮安

名山自昔稱五嶽真宰初分歸掌握鴻濛
卽判兩儀開突兀寧煩五丁鑿宇內微茫
數點青何人曾復窺真形玉泥金檢祇聞
七十二家載封禪蓮峰日觀疇能百千萬
處搜圖經嶺南高士浮山子胷中蕩漾羅
山水萬仞能移尺素間群峰盡列纖毫底

吾家仲子獨好奇到處煙霞入夢思頃乘
五馬過淮海手握茲圖隨所之向平禽慶
應可詫尋山枉自遲婚嫁誰識神遊在目
前岳色雲光盪其下淮陽凋敝非昔時昔
人卧治還能追但教勵行動撫字那用刻
意工文詞吁嗟乎五嶽之名瑰竒靈異已
如此萬古誰能不仰止丈夫勲業須似之
要使榮名滿青史

寄題草玄亭

子雲草玄亭舊傳在華陽本傳稱其
處岷山之陽曰郫有宅一區今郫縣
尚有茲亭仲子文燭視學于蜀余素
慕玄草因作短歌寄而刻之

漢家天子好文藝招集詞臣四方至一朝
待詔入承明更數何人識竒字高才爭推
楊子雲沉思蚤歲修玄文客稱調似相如

者榮名籍籍喧相聞
甘泉羽獵大誇樂
誰憐校書天祿閣
一官不調曾十年
空遣文星垂井絡
閒中更賦畔牢愁
三閭異代高風流
抽毫反復設客難
解嘲之意何深幽
桓譚可是知言不
曾謂玄經傳必久
自信詞猶過老聃
肯落人間覆醬瓿
至今高榜草玄亭
虹光夜夜含山靈
蜀中山水縱竒絕
何如此地堪傳經
况逢昭代崇儒雅
聲

教翩翩訖諸夏
汝握文衡試品題
白雪休言和人寡
濯錦江邊錦似霞
操觚往往多名家
諸生無數還講席
問竒若箇如侯巴
寄題杜拾遺草堂

萬曆甲戌余仲子文燭奉

命督學

西蜀嘗跪請曰不肖于役川中大人
曾欲賦一詩以寄杜公草堂時以酷
暑方謝未能也中秋旣望明月照人

涼風襲衣援筆賦短歌未竄一字詞
雖不工聊寄景仰之意云

襄陽必簡君之祖義與先生共吾土可恨
生逢天寶年亂離曾亦依嚴武挺之兒子
豪且麤恚目因嗔捋虎鬚驕人意氣偶相
合吐詞風格元非殊蜀中山水多奇巨幽
棲頓覺忘羈旅感興頻紆寫物懷憂時翻
作驚人語錦江芳草日萋萋玉壘浮雲時

復迷浣花谿上有佳景草堂獨據蹊之西
豪來操筆聊憑意叱咤風雲倏然至豈但
詞鋒逼六朝至今花鳥增愁思寰中詞客
爭相聞暮雲尊酒期論文收京恨別見深
意詩成一字寧忘君淒涼更往夔州寓
憔悴仍傳巫峽句歸向中原曾幾何楚天宿
草愁看墓我生雖晚不同時文藻千秋真
我師爲語吾兒持桂醕一盃敬酌先生祠

寄題峨眉山

吾家仲子文燭甲戌奉命督學西

蜀乙亥復試於嘉眉九月一日登大

峨山以余見南江閣二選付高僧鑑

燈藏之書來道其勝是夕偶夢遊茲

山因賦此勒之山中

三巴共道名山多就中最勝推大我普賢
大士昔示現祥光瑞靄倒射巖壑爭相磨

兩州盤據不知幾千百萬丈八十四盤孰
能上古今談者窮搜冥討且莫能探其真
而况蓬累之夫株守一隅者遙睇層厓空
想像吾家仲子太好奇橫經西蜀稱人師
興來校士且多暇一日直上山之眉携書
手自藏絕頂使我神遊醉初醒夜深忽夢
入丹丘彷彿山靈曾首肯巖前垂白多高
僧雲中揖我最高層更揮如意指點西域

外忽訝峰頭散聖燈雪山西望仍可恠恍
惚疑看銀世界夢回已信力未疲覺來尚
憶神猶快謫仙夢爲天姥遊至今嘖嘖誇
風流慚無秀句畚佳景爲我且勒山之頭
千秋定道蘇山老獨駕蒼虬曾一造不然
峩眉相距漢陰迢遞且萬重名山那得留
遺草

焦山吟寄畚郭山人次肅

我聞焦山千仞如翠屏大江秀挿何亭亭
孝然昔日曾隱此少微似應天邊星金山
對峙各馳勝東南雄誇爭娉婷濤衝浪齧
已千載寺下猶藏瘞鶴銘波光月色互相
映吸江吞海俱泠泠海門相距渺如許一
點疑看螺髻青漪漪滿徑多修竹可憐佳
景空沉冥五遊山人郭次甫曾中萬丈長
虹吐壯懷欲作五岳遊扁舟暫繫焦山滸

婚嫁何須待向長山居况復追巢父曾携
瓢笠挂山房烹茗旋將江水取焦家處士
已千年遂認焦山卽爲主濡毫曾坐海雲
堂秀句初成月方午白眼看人未肯降雄
視詞壇真跋扈淮陽太守思君停湖上新
成招隱亭殷勤選地開白社峻嶒對劍看
青萍風流更遇王儀部談詩叱咤驚山靈
夜闌呼酒各大醉知君已覺忘飄零山僧

况復解文義挑燈夜半談殘經當年勝事
膾人口小山叢桂空餘馨一朝太守持繡
斧手握文衡向西土爾亦東歸羅漢巖還
山曾亦學爲圃何來寄我朱陵篇欲探南
岳尋神禹禹碑近已出荆榛還從嶽麓窺
石鼓祝融峰上振衣行衡雲定開寧作雨
咄咄次甫寧須踽踽試將折角巾還麾清
風塵豪遊直欲遍名山寰中嶽色寧惟五

漫道今人不如古山中倘遇王烈談與汝
相期烹石乳

寄題陳拾遺讀書臺

陳伯玉讀書臺在射洪縣北卽當年
所賦感遇詩處也仲子文燭視學聞
兩登之偶作短歌寄而勒焉

射洪縣北金華山層臺百尺堪躋攀子昂
當日讀書處相傳遺蹟猶班班文章道喪

五百載力挽狂瀾迴大海徐陵庾信枉自
矜浮靡餘風寧復在感遇詩成三十篇鏗
然韶護聲翩翩曾憐譽望傾都下詞客忻
忻願執鞭仍從方外交十友沈杜才名滿
人口獨握詞壇赤幟雄餘子區區盡奔走
能令海內稱儒宗飄飄遠紹建安風仲尼
旣信探元化楚狂那得悲人窮吁嗟五季
仍不造士氣那知復顛倒哲人已嘆萎荒

丘高臺倏見生荒草吾家仲子司文衡景
運叨逢今大明詞場共訝已虎視劍閣爭
傳仍鳳鳴拾遺况是吾宗秀千載何期聲
並茂臺前雲樹上參天共羨榮名垂宇宙

五嶽圖歌

虛堂曾縣五嶽圖入門見者爭相呼原從
開闢卽莫處何人能識真形無孤高誰道
岱宗眇三觀斜連何縹緲陰陽割據自晨

昏齊魯望之青未了衡山南鎮翼軫明魏
魏上映天機衡祝融紫蓋數不足七十二
峰難盡評中原突見嵩高高起峻極於天似
無紀二室雙蟠各半之曾聽登封呼未已
西嶽峻嶒聳處尊群峰羅列皆兒孫眼看
箭括若削就別有一路通天門恒山北近
曲陽縣佳氣氤氳滿荒甸龍首曾聯露翠
微飛來片石曾誰見玄冥上能應五星宇

蘇山選集 卷之一 三
內微茫數點青武夷鴈宕窮搜圖籍稱形
勝玉泥金檢巡行那得開山靈何如區區
五拳石封禪曾傳排稽席舜巡禹狩今已
休七十二家猶聞是處留遺跡吾家仲子
多風流往年卧治東海頭手携是圖不忍
釋興來乘之且卧遊老夫愛此亦成癖更
念浮山隔今昔披圖日對虛堂中似與五
山相朝夕

蘇山選集卷之二

沔陽陳栢撰

五言律

莊上茅齋初成

築室此幽居清虛百慮除月明聞唳鶴風
細看游魚白鳥時窺硯青虫任蠹書平生
羞管樂肯擬卧龍廬

望宋玉墓

魚山選集 卷之二
嗟爾多悲客風流迥不侔蕭森曾九辯搖
落已千秋日晚重經地江臯一繫舟孤墳
不可拜投賦吊湘流

峴山

峴山高無極羊公逝不還今看斷碑在猶
共令名傳野殿自春草荒山空暮煙更餘
流水意嗚咽似當年

秋砧

八月秋漸深家家急暮砧淒涼隨鴈度斷
續雜蛩吟塞外猶千里閨中空寸心可憐
愁似擣何自達邊岑

發京別傅五表弟二首

子獻河東賦余思漢上尊風塵空按劍涕
淚各霑巾此夜仍分席明朝又問津經綸
須報主莫負少年身

其二

魚山選集 卷之二 二
別爾還江漢依依嘆失群十年秋雨榻千
里暮山雲故國休牽念明時蚤建勳湘江
卧斑竹拭目看雄文

襄陽卽事

不向襄陽道重過又十年亂山梁苑外孤
堞漢江邊曲憶銅鞮調魚思縮項鱸更懷
山簡醉飛興習池前

三月晦日應山道中別張叔與

與君俱失意騎馬楚關來忍看春色盡况
復別筵開隔水林花落衝風野鳥迴山家
如有酒呼取盡餘杯

柬吳明卿舍人五日生子

羨君初舉子三十未云遲早見充閭慶剛
逢競渡期奪標他日錦繫臂此時絲莫訝
長齊戶田文事更竒

徐子與席上留別吳山人子充得春

字

偶尋徐孺子何意識山人光映庭前月談
生座上春對君丘壑相笑我市朝身卽有
長沙別無緣一細論

安陽寄謝山人茂秦

落日臨漳道言尋謝眺居青山違拄杖白
髮待公車放浪雙長鋏蕭條一敝廬裁書
遙寄汝詩思近何如

到河道中

楚天霜欲下楚客暮言歸陌上猶行役閨
中未授衣應憐雙帶緩祗爲尺書稀何況
龍沙外迢迢萬里違

送吳明卿給事左遷

擾擾風塵裏三年共客居君行今乃爾余
意獨何如畫舫衝新水青山指故廬一尊
燕市酒今夕且踟躕

其二

賈誼長沙謫淒涼無限情如何千載後復
有九江行流涕非君意憐才自
聖明他時宣室召端合問蒼生

秋夜直宿東張子任

通籍媿遲暮談兵非所任乾坤多事日夙
夜在公心月白驚鳥影風清送柝音誰知
帷幄客猶自運籌深

送馬健之令郟縣

周王定鼎地漢令剖符年一鶴將琴去雙
鳧望鳥還清操知味檠惠政識烹鮮佇聽
觀風者歸來報汝賢

閣
同教純之學士何汝玉大行登毘盧

振衣高閣上極目望中原雙闕依雲吐群
峰繞檻蹲門前南國道山後朔方屯落日

魚山選集 卷之二 五
重回首令人欲斷魂

南園卽事

別業斜連水孤村曲傍闌鳥啼時近席魚
戲不驚綸雨笠頻三徑烟春少四鄰誰知
幽寂地還有問奇人

泗東莊

泗曲堪垂釣吾生已息機晚風侵鶴鬣秋
水上魚磯聊適終焉志翻驚昨者非微茫

烟霧裏休認客星輝

對菊有所思

俄驚霜欲降才及菊初移露浥黃金蕊風
搖碧玉枝歸來三徑興老去九秋悲獨酌
東籬下同誰倒接籬

憶樞弟二首

汝向長沙去孤帆幾日開忽驚五月盡未
得一書回遇客頻相訊停盃漫自猜江臯

看不見聊復更登臺

其二

新水滿平湖扁舟杳若無芊芊青草合冉
冉白雲孤汝興猶飄梗余懷似轉轡故園
農事好莫戀酒家胡

寄正卿弟

落日獨徬徨裁書到夜郎地偏魚信杳天
遠鴈飛長太守今黃霸功曹昔范滂山齋

聊共卧且莫憶滄浪

蕭凌喬歸自晉陽訪吳仲立愈憲

三晉河山壯千峰雨雪深故人曾倒屣良
夜定開襟尊豈無佳醞囊應有贈金相看
行路者然諾幾知心

康山人裕卿作夏汭草堂詩見贈用

韻却寄

當年疲執戟蚤已厭塵紛自返山中業言

魚山選集 卷之二 七
畊隴上雲茅亭依水結竹徑隔城分鄰叟
多幽趣相邀日欲曛

其二

一曲清江上蕭然獨草堂遠山橫赤壁新
水漾滄浪塢借芙蓉麗池因菡萏芳莫須
王給舍重繪輞川莊

暮春

春水初侵岸茆齋俗客稀野吟風動竹林

坐露霑衣日煖黃鸝巧溪深紫鰕肥蕭然
無一事聊復掩柴扉

隱林莊同李生用康山人韻

迂曲澄湖上茆齋絕市紛遠山含落照新
水接層雲籬豆綠棚長園芋逐畝分漁歌
催短棹抵岸日將曛

其二

徑轉千林合門臨一水分野花紅澗露畦

魚山選集 卷之二
稻綠連雲家本農桑業身惟鹿豕群龐公
自真隱寧借蔚宗文

懷王元美觀察用原韻

憐君振大雅託興孤桐琴嫋嫋青雲思洋
洋白雪音一彈太山邈再揮湘水深所恨
子期少千秋空此心

夜行

前路知歎久貪歸更晚行踈星回暝色涼

吹起秋聲平野燒仍滅長空斗欲橫因憐
京洛道翻遣壯心驚

七夕別燭兒之蜀

忽覩雙星會遙憐萬里行路經巴子國旌
指錦官城造士須加意逢人好寄聲明年
當此夕還爲問君平

過別業

別業滄浪上深林隱敝垣濯纓孺子水抱

甕丈人園鳧鴈驚寒渚牛羊懷夕暄遺安
千載事堪共鹿門言

與燭兒載酒南園

載酒過南園誰憐隔市諠軒因容膝在亭
為借山存迂曲如盤谷幽深似鹿門今朝
聊與汝一酌是君恩

任山父別駕枉吊燮兒

何意昆明使重尋到漢陰回車南郡路流
涕朔風吟絮酒千秋事生芻萬里心可堪
垂老淚嗚咽不能禁

懷歐惟承給事

為問歐司諫高情近若何能將七閩興長
詠百蠻歌舊夢還青瑣新詩寄碧蘿涼秋
逢過鴈淮海尺書多

送任山父別駕之滇南

忽訝昆明使旋車返夜郎酒懷元自放詩

蘇山選集 卷之二
思爲誰狂萬里能浮白
千山是點蒼君幾時
風雪夜還得更連床

蘇山選集卷之二終

蘇山選集卷之三

沔陽陳栢撰

七言律

呈李川甫先生用原韻

滿床書卷子雲居問字重看駐
客車千里幾年清夢杳一尊
今日故人舒風塵直北心偏苦
霄漢圖南翼未踈後夜彭生如許
進梁園來授壁間書

魚山選集 卷之三
壬辰下第

傷心琴劍歸江滸回首風煙憶漢京二月
苑花空駐馬三湘沙柳又啼鶯太行隱隱
嵐光重清夜冥冥斗氣橫未許此生苜飯
糗明時還欲請長纓

樊城早發東劉德輝時母舅在樊

樊侯城邊江霧生舟人搥鼓報江行孤帆
欲發且復止薄曙初分仍漸明笑我同牽

春渚夢憐君獨抱渭陽情徐看風物津津
好回首青山江上橫

香山道中感懷

香山中秋可憐千峰萬峰生紫煙巖花
嶼葉媚幽谷牧笛樵歌喧遠天河南盜寇
尚多警漢上催科全未蠲自顧壯懷何忼
慨笑將長劍倚風前

送李隆仲同年令丹徒

魚山選集 卷之三 二
丹徒郭外金山寺傳道山門對郭斜勝地
無妨供簿領閒情兼得寄煙霞村中花發
春行縣江上鐘鳴午散衙仙吏翩翩人共
羨何須勾漏覓丹砂

送王使君之沔

滔滔江漢遶孤城君向江城暫駐旌隨蓋
盡皆垂柳色聞歌半是採蓮聲幾家村落
漁爲市百畝菑畬水作畊見說邇來征斂

急故園南望不勝情

奉使至故園

數載風塵逐帝畿暫緣持節慰慈闈卽看
松菊荒猶在可那親知半已非薄祿堪羞
玄鬢改故山應笑素心違何時得乞林泉
骨更向滄江拂釣磯

送同年張子畏僉憲四川

蜀道風煙路幾千憐君飛蓋去翩翩青城

魚山選集 卷之三 三
峰落芙蓉外白帝樓縣灩澦邊問俗定衝
三峽險懷人應賦四愁篇江南塞北多戎
馬莫倚西垂獨晏然

九日登麾虜臺

麾虜臺連拒馬河况逢九日一經過黃花
地遠應憐少白髮愁生漸覺多南望音書
饒涕淚西來烽火急干戈凌高欲作平胡
賦旅况鄉愁柰爾何

立秋

漢水湯湯抱郭流郊原一望迥生愁輕雷
忽送千峰雨飄葉俄驚萬井秋憂國有時
頻按劍懷人無語獨登樓草堂尚隔江城
外白鷺群飛紅蓼洲

夏汭草堂成

誅茅小結傍江村出郭由來爲避喧敢謂
草堂開綠埜祗緣瓜地接青門修篁百本

魚山選集 卷之三 四
編爲徑小槿千條插作藩自笑歸來聊寄
傲行人休擬辟疆園

冬夜與李少白聞笛

吹笛何人獨倚樓尊前月色似中秋關山
隱隱杳難望河漢盈盈倒欲流忽動壯懷
馳紫塞翻驚清興滿滄洲江城昨日梅花
放莫遣續紛落水頭

李君寵秋夜見懷却寄

秋風江上獨飄零避地憐君似管寧漫對
青山聊歲歲可堪白髮漸星星浮雲黯淡
迷衡岳落木蕭森下洞庭遙望斗邊雙劍
氣夜深時復射蒼冥

送成子仁卿兼懷同年尚德夫

維舟曾食武昌魚回首江關歲屢除萬里
壯遊經帝闕兩都新賦動公車春來花鳥
應愁汝別後風煙定憶予爲問子雲今白

魚山選集 卷之三 五
髮閉門猶草太玄書

人日

春色微茫滿漢汀
梅花弄白柳條青
何堪兩雪逢人日
獨向江湖隱客星
匣裏尚封千越劍
案頭初展太玄經
愁聞西北多鼙鼓
揆爾聊傾濁酒瓶

日得吳明卿書

蟬聲送新秋至
一札遙緘自五雲
念我

閒居應寂寞
感君高誼絕
塵氛蒲輪莫問
來天路木榻
惟便卧漢濱
回首故人多
宦轍十年空
自惜離群

九月八日同蕭凌漢凌達李少白諸
子登報恩寺閣

佛閣高縣江漢邊
清秋鍾磬上方傳
白蓮漫擬開精舍
黃菊空憐對綺筵
檻外煙雲迷七澤
簷前星斗麗諸天
龍山浪說千年

勝此日風流跨昔賢

送別陳山人紀兼呈子深王孫

天涯飄泊只孤身
歲晚誰憐尚問津
詩卷漸多隨竹杖
布袍雖敝稱綸巾
他鄉綠醕堪娛汝
故國青山未負人
傳道王孫重結社
白頭何事滯風塵

人日懷燭兒

帝京遙望隔風塵
寄遠曾題綵筆新
何事

五年猶作客
可堪千里獨懷人
煙雲漠漠開遲日
梅柳娟娟報早春
知汝鄉心應更切
頻將飛夢度江濱

用韻別李君寵

君家遙隔魯潭濱
每過談詩思更新
鷄黍暫將聊永日
鶯花相對且留春
青雲世路多名士
白首交情幾故人
爾去爲誰仍倒屣
斜陽踈柳倍傷神

用韻別陳山人兼呈子深王孫余德

甫憲副

片帆遙指九江濱
歸路猶經柳色新
好景儘堪娛白髮
老懷忽漫負青春
望中雲樹還千里
社裏詩篇定幾人
爲我一過徐孺宅
至今縣榻總傷神

秋日同傅司徒童士禎丘子冲諸君
登寺閣

高閣重闌雨後凭
涼飈漸襲失炎蒸
塵寰相聚誰非客
淨土迴看我亦僧
白首未須論祝髮
清宵聊復話傳燈
年來尚有名山興
着屐還登最上層

隱林莊有懷

村墟搖落近中秋
颯颯風煙晚更幽
華髮蕭森驚物候
青山迢遞隔江洲
燕關忽動浮雲思
湘水猶含落日愁
獨立湖邊聊佇

魚山遺集 卷之三
望渚鳧汀鴈各相求

遣使訊徐子與

攬衣仍上最高岑東望徬徨獨朗吟日暮
關河猶異域天涯兄弟况同心幾行鴈陣
風生壑半夜烏啼月滿林虛把一緘曾問
訊冷然那得共披襟

讀方君敬樵陽集用懷子與韻懷之
憐君避地卧雲岑落日凄其更苦吟書劍

幾年曾浪迹干戈何處不傷心雪中敝履
穿樵市夜半踈鍾度梵林却憶杜陵常作
客新詩讀罷益霑襟

寄黃希尹太守格弟時爲幕僚

廿載那期滯一官看花曾共逐長安雙鳧
早羨翔三泖五馬今憐度百蠻卧閣晝閒
公案少抽毫春動酒杯寬功曹可是岑公
孝那得君同坐嘯看

用韻會徐叔明憲副兼訂遊山之約
 靈山壁立漢江秋俯視方壺十二樓恠爾
 雄篇生綵筆令人清興動丹丘乘鳧此日
 馳遐想跨鶴何年愜勝遊天柱孤峰知萬
 仞定應窮覽最高頭

聞黃鶴樓重建因寄徐子與憲使

黃鶴仙人去復來危樓重倚白雲開關河
 形勝宛如昨割據英雄安在哉吊古定應

能作賦登高誰更解憐才有懷極目煙波
 外那得凭欄共舉盃

春日趙惟石僉憲招登仁風樓

城邊春水接橫陂城上春雲護女隄日暝
 漁歌來淑浦夜深清磬出招提飛花片片
 侵羅袂明月娟娟映玉卮醉倚危欄憶山
 簡風流曾似習家池

得徐子與憲使書却寄

一札那能慰舊游
索居猶復使人愁
山中歲序聊彈鋏
江上煙波正倚樓
對月獨縣徐稚榻
乘風誰共李膺舟
可堪芳草今搖落
悵望滄洲又暮秋

黃亨夫給諫繆擬余詩似高適因戲

寄之

何人曾似高常侍
五十工詩亦善鳴
雅調已回唐大曆
清才應掩李長庚
葦鱸秋後

懷偏好花鳥
愁深句更成
堪笑驚人無片語
繆從海內竊虛名

早春漫興

弱柳茸茸帶雨青
漸看芳杜滿前汀
風煙巧散春王月
霄漢高縣處士星
漫試彩毫誇作賦
自憐華髮倦傳經
玄亭惟許侯芭坐
負郭柴門晝自扃

酬徐叔明憲副襄陽見懷之作

徐陵文采擅千秋開府重登江上樓揮塵
清風生漢水褰帷明月滿犁丘龐公閭巷
堪延訪習氏池亭足勝遊墮淚未須懷叔
子竝垂遺愛峴山頭

病後卽事

裊裊藤蘿一徑通經旬未過草堂中繞籬
修竹拂雲翠兩岸繁花夾水紅高閣梵鍾
催暝日前村漁笛起秋風可堪流序翩翩

逝忍對金尊不放空

湖上雨望

平蕪一望雨霏霏湖上人家靜掩扉赤壁
斷煙迷戰壘黃蓬新水上漁磯尋仙擬卜
他年是學道翻驚昨日非徙倚茅簷聊送
目不禁涼吹襲征衣

寄黃亨夫給諫

叔度汪汪千頃陂風塵不見使人思幾年

短榻縣雲夢何日孤帆下武夷亂後羈懷
猶獨抱愁來談頰更誰披聊因愛弟裁書
寄遙望壺山淚欲垂

寄題朱子深來爽臺

江干突兀起高臺俯視人寰亦曠哉招隱
重驚叢桂地賦詩仍見栢梁才銜杯南浦
秋聲入揮塵西山霽色開遙望精廬空極
目冷然那得御風來

秋日有懷燭兒

自笑窺園興不微新涼初試越羅衣鏡中
短髮含秋色江上孤山帶夕暉漫喜野蔬
隨雨長漸看林葉逐風飛愁來却憶長安
道兩月空傳尺素稀

秋日懷徐子與吳明卿

江閣凭闌落日低美人遙隔夜郎西壯心
祇自凌黃鶴綵筆同誰賦碧雞未信狂奴

魚山選集 卷之三 三
仍故態似聞老幹欲生稊天南不遣飛鴻
度病起虛將尺素題

雨後有懷

孤亭黯黯映斜暉雙屐衝泥入翠微籬下
雜花明竹徑簷前飄葉滿柴扉故人阻絕
應難晤游子羈遲尚未歸自笑一竿堪穩
釣秋來新製芰荷衣

隱林莊

選地幽棲泗水邊閒情應喜遠囂塵林間
種竹聊三徑臺畔誅茆只數椽隔岸菰蒲
搖落日橫塘鳧鴈下寒煙風流未似王摩
詰誰擬村莊是輞川

秋日余憲使招登湛虛亭

隔岸層軒接水開勝游聊共使君來旌旗
影閃魚龍動簫鼓聲喧鴈鷺回手把菊花
催擊楫眼看楓葉下停杯習池漫道風流

甚千載誰誇作賦才

畲李元甫太史見訊之作

一緘遙寄自燕雲回首曾憐御李君交誼
久傾巴子國詩名空笑郢人斤言尋松菊
情偏適獲附芝蘭氣自芬耆舊漫勞推賴
上那能羔鴈更成群

次李惟寅通侯見寄

草堂隱隱對烏林高卧何妨白髮侵塞上

空傳歸款報山中猶繫請纓心蒼涼落日
維孤艇斷續斜風度遠砧詞客尚憐天際
隔尺書那得一招尋

冬日獨往

漠漠墟中生暮煙道人猶自擁殘篇繞籬
密篠疑無路隔岸孤帆覺有川梵磬遠傳
城角寺樵歌喧徧渡頭船振衣試向淮南
望落日遙天倍可憐

蘇山選集 卷之三 五
夜雪禁體

薄暮飄飄下遠岑
餘寒拂拂襲重衾
空疑海上瓊為島
錯擬庭前玉作林
虛室漸看生有色
重簷曾聽寂無音
誰憐僵卧窮廬者
到曉柴門幾尺深

人日漫興

茆屋斜連漢水汀
風煙初散四并亭
百年忽漫逢人日
一壑誰還識歲星
元亮祗應

狂縱酒子雲
今亦倦談經
聊將詞賦供
衰白已笑勲名媿
汗清

李生移居

羨汝高懷厭市塵
眼看陋巷已三遷
褊衡傲世人
應妬原憲
甘貧我獨憐
檢點圖書無長物
招呼花鳥有新篇
東鄰况喜猶相近
挾冊頻來問草玄

立秋日有懷燭兒

鮑山選集 卷之三 六
長空冉冉火雲浮水榭涼生忽報秋隔岸
遠山橫短檻沿溪新水送輕舟幾年天地
傷多事萬里關河抱獨憂游子虛傳乘五
馬習池猶自滯風流

題余德甫江上草堂兼柬用晦

知汝幽懷似季鷹章江曾選最高層柴門
只尺連彭澤花徑依稀擬杜陵南下浦聲
秋可和西來山色晚堪凭王孫况復飛揚
甚載酒相從日幾登

畬康山人裕卿兼寄梁思伯王敬美

老去浮名若羽輕傳經抗疏總忘情誰誇
麟閣千秋壯曾似桐江一竹清但遣青尊
花底滿何妨白髮鏡中生遙憐詩社飛揚
甚賦就停雲遲月明

得劉學孔光祿書却寄因示燭兒

多情自是劉公幹建業書傳到漢臯纖月

魚山遺集 卷之三 七
夜縣卿寺迥五雲春擁帝城高明時劍舄
還丹陛暇日風煙託彩毫肯許淮陽狂太
守仍將孤調共君操

初雪懷傅司徒

朔風飄雪下颼颼遙望青山瑞葉浮積素
未疑鵙鵲觀微寒初上鷗鷖裘洛陽此夕
惟僵卧剡曲何人更泛舟應憶司徒多逸
興與誰携酒共登樓

送蔡子明司訓成都

巴江霜落水冷冷蜀道山橫萬點青匹馬
却憐遙仗劍諸生應喜共傳經盤中苜蓿
明朝日溪上芙蓉列錦屏我欲裁詩招杜
甫煩君先寄浣花亭

除夕前一日與燮兒夜坐因懷燭兒

笑看流序隙中駒澤國俄驚歲欲徂元亮
已辭彭澤令嗣宗曾戀步兵厨青山郭外

魚山選集 卷之三
遊應倦白髮燈前夢亦孤
賴汝一尊聊慰
藉夜深猶共擁寒壚

人日有懷燭兒

老去高情尚不違
杖藜聊復試春衣
尊前呼酒傳花勝
郭外看山對翠微
此日漫憐人共得
他鄉猶戀客相依
明時正擬酬經濟
莫問滄浪舊釣磯

送燭兒之川中督學

老去那堪送汝行
况瞻鳥道倍含情
經過揚子談玄處
問訊文翁化俗聲
玉壘浮雲開浩蕩
錦江秋水見澄清
他時所至稱鄒魯
莫負熙朝作者名

九日同諸君登聚星樓因贈程子孟孺
木脫偏驚客子顏
西風初度楚江關
慚余未把瑤華贈
對爾聊將玉樹攀
落帽尚堪追鷺嶺
霑衣何必効牛山
凭闌且爲酬佳

魚山選集 卷之三 十一
節此夕須教酪酊還

送程孟孺遊太岳兼謁王元美中丞
二十七峰縣楚天中間窟宅多神仙我思
黃鶴凌白日爾駕蒼虬騰紫煙捫參歷井
亦勝事吸露餐霞非俗緣緱山倘遇王子
晉相逢且爲探真詮

送歐惟承少叅入賀

閶闔秋風動曉鍾鷓班猶筵舊夔龍九重

謾擬開宣室三祝應傳効華封塞徼喜聞
頻納欵橋門爭覩正臨雍縣知虎拜彤庭
罷清問還詢海上烽

畬吳明卿學憲

爲園聊傍隱林間更向司徒乞借山佳句
忽增丘壑重幽懷應與水雲閒看花憶汝
頻携酒問字從人但扣關清夢肯辭千里
險夜深曾逐夜郎還

魚山選集 卷之三 三
畬王敬美符卿

鴈過江城午夢醒
僊郎詩寄借山亭
西來似識函關紫
東望如瞻岱岳青
寡和忽驚傳郢雪
少微况復覩晨星
草玄謾擬揚雄宅
白板柴門晝自扃

送陳別駕入瀘因寄燭兒

渡瀘憐汝只單車
善政曾傳汝水沮
問俗定應隨五馬
逢人好爲覓雙魚
巴江波曲

流成字劍閣雲橫
疊作書憑語西川
文學使化行鄒魯
近何如

題灤西草堂用燭兒韻

草堂舊據浣花溪
偉構重新又灤西
心事曾依嚴武寄
才名自許鄭虔齊
花深鳥語愁仍劇
草長猿啼路欲迷
不待瞻公巫峽上
緘詞千里總含悽

除夕有懷

蘇山選集 卷之三 三
拂袖曾辭鷓鴣班閒心聊共白鷗間可堪
節序催華髮獨喜風煙護碧山十載病身
依楚澤五年游子隔燕關俄驚來日逢新
歲且對屠蘇一解顏

莊上偶述

三年不到隱林莊敝屋頽垣近水傍晴日
密搖楊柳色午風清送芰荷香挂冠已分
追元亮為圃何妨學僻疆一榻枕書聊偃

卧冷然真足傲羲皇

巳卯三日喜晴

天王寶曆初頒七青帝韶華已得三北闕
瞻雲開曉仗南山當戶轉晴嵐裁詩已喜
乘新興對酒還能縱劇談自笑子雲雖白
首也應玄草識桓譚

蘇山選集卷之三終

